

## BOŠNJAČKI ISLAMSKI CENTAR HAMILTON



**“KO SAGRADI DŽAMIJU RADI ALLAHA,  
ALLAH ĆE NJEMU SAGRADITI KUĆU U  
DŽENNETU”.{BUHARI, MUSLIM}**

**POMOZITE IZGRADNJU NOVOG  
ISLAMSKOG CENTRA-DŽAMIJE I  
ZARADITE VJEČNU NAGRADU**

Draga braćo i sestre u Islamu-Esselamu ‘alejkum!

Zaista su muslimani Hamiltona i Stoney Creeka ovih dana blagoslovljeni da budu među onima koji su izabrani od strane Svevišnjeg da izvrše ovu Ijarah – gradnju i održavanje novog Islamskog Centra.

Novi Centar je potreban da adekvatno odgovori na rast naše zajednice. Broj džematlija, kao primjer, koji redovno dolaze na Džumu svakog petka, je porastao i broj džematlija kontinuirano raste. Sadašnje prostorije Centra su ekstremno limitirane za zadovoljavanje potreba usluga koje već duže vremena pruža BIC Hamilton. BIC Hamilton je prevazišao svrhu “samo džamije” kao mjesta gdje se obavljaju “samo” molitve. BIC Hamilton sada služi kao Islamski Centar koji odgovara na široki broj potreba članova naše zajednice. Pozivamo Vas da budete dio VAKIFA-DONATORA za izgradnju novog Islamskog Centra. Pozivamo Vas da se pridružite karavani članova koji ulažu u Kontinuiranu Dobrotvornu Svrhu koja će uroditi plodovima dobrih djela svakog puta kada se osoba bude molila u našem Centru-džamiji, ponizno tražila milost od Svevišnjeg Gospodara ili naučila suru iz Kur’ana, ili hadis našeg Poslanika a.s..

Vaša podrška je neophodna za uspjeh ovog projekta; za Vaš osobni uspjeh, za uspjeh Vaše zajednice te za uspjeh Vaše djece i njihove djece u budućnosti. Najmanje šta možete doprinjeti je da

**U ovom broju Biltena  
Skupština džemata  
Donatorska večera  
Akademija  
Bošnjačko sijelo  
Mekteb i škola bosanskog jezika  
Kalendar aktivnosti za 2015. godinu**

proučite dovu, uputite molitvu Svevišnjem Allahu da nam olakša naš rad i da nam ukaže na put koji će nam pomoći da završimo izgradnju Njegove Kuće. DRAGA BRAĆO I SESTRE U ISLAMU! Poslanik Muhammed (s.a.v.s.) je rekao: “Ko sagradi džamiju radi Allaha, Allah će njemu sagraditi kuću u džennetu.” (Buhari/Muslim)

**POMOZITE PROJEKAT IZGRADNJE NOVE  
DŽAMIJE I NEKA UZVIŠENI ALLAH DŽ.Š.  
BLAGOSLOVI VAS I VAŠU PORODICU SA  
SVOJIM BLAGOSLOVOM!**

Ovo je jedinstvena šansa da pokažete svoju privrženost Svevišnjem Allahu. Pomozite nam da sa rukom u ruci zajedno pomognemo u izgradnji Džamije i Islamskog Centra u Stoney Creeku i donesemo Slavu našem Voljenom Allahu. Pokažite da Vam je stalo do ovog projekta. Sa zajedničkim snagama, ovaj projekat će postati realnost. Inšha Allah! Molimo Vas da pokažete svoju dobru volju i pomozite nam u izgradnji ovog mjesta za molitve koje će biti od koristi svakom muslimanu naročito u regionu Stoney Creek-a. Vjerujte da je ovaj projekat moguć. Radimo zajedno i učinimo da se to desi u ime našeg voljenog Allaha dželle šanuhu. Aktivno se uključite sa nama u izgradnju ove Allahove kuće – sa donacijom u bilo kom iznosu – I zaista nijedna donacija nije “mala” u očima Svevišnjeg Allaha. Neka Svevišnji Allah blagoslovi Vas i Vašu porodicu i da Vam bezgranične nagrade na ovom svijetu kao i na Ahiretu! Amin.

## Obavijesti iz zajednice

### Mekteb i škola bosanskog jezika

BIC Hamilton još jednom moli roditelje da upisanu djecu u mekteb i školu bosanskog jezika redovno šalju svake nedelje. Tako će djeca više naučiti i uspješno završiti predviđeno gradivo iz mekteba i škole bosanskog jezika.

Naša djeca su naš emanet, emanet koji moramo ispunjavati. Dobro djelo koje moramo ostaviti da teče i poslije naše ovodunjalučke smrti. A to možemo postići samo ukoliko odgojimo svoje dijete, ukoliko ga uputimo u džemat i ukoliko proizvedemo dječiju ljubav prema islamu i džematu.

### Donatorska večera za izgradnju bošnjačkog islamskog centra – džamije

Drage naše džematlije i džematlije, pozivamo Vas na našu ovogodišnju donatorsku večeru, koja će se održati **u subotu, 4. aprila 2015.** sa početkom u 6:30 u Armeniskom centru na adresi: 191 Barton Street Stoney Creek. Pozivamo Vas da budete dio VAKIFA-DONATORA za izgradnju novog Islamskog Centra-džamije.

Sav prihod sa ove večere ide za potrebe izgradnje bošnjačkog islamskog centra-džamije. Karte po cijeni od 50 dolara, uračunata bogata večera, možete već sada kupiti u našoj džamiji. Ukoliko niste u mogućnosti prisustvovati donatorskoj večeri vaše donacije možete poslati na **BIC Hamilton, P.O. Box 56073, Stoney Creek, On, L8G 5C9**

Gost predavač  
dr. Aras Konjhodžić

### Ismail ef. Fetić izabran u Sabor IZ u BiH

BIC Hamilton obavještava svoje članove da je naš **imam Ismail ef. Fetić** ispred svih bošnjačkih imama izabran za predstavnika Islamske zajednice Bošnjaka Sjeverne Amerike u Sabor Islamske zajednice BiH u Sarajevo. Ovo je prije svega čast za našu zajednicu, a zatim i za imama. Imamu Ismail ef. Fetiću želimo da Islamsku bošnjačku zajednicu Sjeverne Amerike i posebno našu zajednicu dostojno predstavlja u najvećem zakonodavnom organu Islamske zajednice u BiH. **Sabor Islamske zajednice je najviši predstavnički i zakonodavni organ Islamske zajednice u BiH. Sabor Islamske zajednice ima 87 sabornika koji se biraju u izbornim okruzima.**

### Akademija i Bošnjačko sijelo

Bošnjački islamski centar Hamilton vas poziva na **AKADEMIJU KANADSKIH BOŠNJAKA POVODOM PRVOG MARTA DANA NEZAVISNOSTI BIH** i bošnjačko sijelo koje će se održati **u subotu, 28. 02. 2015.** sa početkom u 7:00 u Armeniskoj sali na adresi: 191 Barton Street Stoney Creek. Dođite zajedno sa svojim prijateljima i posebno sa svojom djecom i svojim prisustvom uveličajte ovaj veliki blagdan koji simboliše hiljadugodišnju trajnost i neuništivost naše domovine. Ulaz 15 dolara. Sviraju Žute Dunje. Svi ste pozvani.

**Bilten izdaje: IO BIC Hamilton**

**Glavni i odgovorni urednik:**

**prof. Emir Ramić**

**Uređivački kolegij: Svi članovi IO BIC Hamilton**

**Tehnički urednik: Ismail ef. Fetić**

**BIC HAMILTON | Tel. 905.662.3678**

202 Barton Street | Stoney Creek,

ON L8E 2K2

**www.bichamilton.com**

**info@bichamilton.com**

**Skupština Džemata**  
**NEDJELJA 15. MART**  
**2015.**

Na osnovu Statuta BIC Hamilton, Poslovnika o radu Skupštine BIC Hamilton i Poslovnika o radu Izvršnog odbora BIC Hamilton, Izvršni odbor BIC Hamilton u saradnji sa Predsjednikom Skupštine BIC Hamilton **S A Z I V A** redovnu i izbornu godišnju Skupštinu BIC Hamilton - **Nedjelja 15. mart 2015. u 2 P.M.** u BIC Hamilton, 202 Barton Street, Stoney Creek

Za Skupštinu BIC Hamilton se predlaže sljedeći:

**Dnevni red:**

1. Izbor izborne i verifikacione komisije.
2. Izbor zapisničara.
3. Predlaganje i izbor Predsjednika Skupštine BIC Hamilton.
4. Razmatranje i usvajanje izmjena i dopuna Statuta BIC Hamilton. Izvjestilac: Emir Ramić
5. Razmatranje i usvajanje izvještaja o radu Izvršnog odbora BIC Hamilton za izvještajni period. Izvjestilac: Emir Ramić
6. Razmatranje i usvajanje izvještaja o radu Komisije za izgradnju džamije. Izvjestilac: Midhat Menković

7. Razmatranje i usvajanje izvještaja o radu Nadzornog odbora BIC Hamilton. Izvjestilac: Suad Bašić.
8. Razmatranje i usvajanje izvještaja o vjerskim aktivnostima i radu imama. Izvjestilac: Imam Ismail ef. Fetić.
9. Razmatranje i usvajanje finacijskog izvještaja BIC Hamilton za izvještajni period. Izvjestilac: Fadil Kulasić.
10. Predlaganje kandidata i izbor Izvršnog i Nadzornog odbora BIC Hamilton.
11. Razno

Na osnovu Statuta BIC Hamilton pravo glasa, pravo da biraju i budu birani imaju Bošnjaci {jedan član iz jedne familije, čije su familije učlanjene i izmirile članarinu} u BIC Hamilton u 2014. godini.

Neučlanjeni mogu prisustvovati Skupštini u svojstvu gosta.

Izvršni odbor i predsjednik Skupštine BIC Hamilton pozivaju sve članove džemata da prisustvuju Skupštini i tako doprinesu uspješnom radu iste.

**Na dan održavanja Skupštine neće biti mekteba i škole bosanskog jezika. Izvršni odbor BIC Hamilton će pripremiti kahvu, sok i kolače za sve prisutne.**

Predsjednik Skupštine BIC Hamilton Elvis Čelić

**KALENDAR AKTIVNOSTI BOŠNJAČKOG ISLAMSKOG CENTRA HAMILTON ZA 2015 GODINU**

DAN	MJESEC	AKTIVNOST	MJESTO ODRŽAVANJA
28	FEBRUAR	AKADEMIJA I SIJELO	ARMENIJSKA SALA
15	MART	SKUPŠTINA	MESDŽID
4	APRIL	FUNDRAISING DINNER	ARMENIJSKA SALA
25	APRIL	SIJELO	ARMENIJSKA SALA
14	JUNI	ZAVRŠNI ISPIT IZ MEKTEBA	MESDŽID
13	JULI	Lejletul kadr,Srebrenica,Prijedor	ARMENIJSKA SALA
19	JULI	BAJRAMSKI TEFERIČ	?????
26	SEPTEMBAR	KURBAN BAJRAMSKO SIJELO	ARMENIJSKA SALA
12	DECEMBAR	SIJELO	ARMENIJSKA SALA

**Napomena: o mjestu održavanja teferića bit ćete obavješteni naknadno**

**PREGLED MUBAREK DANA I NOĆI U 2015/1436-1437 H. GODINI**

Po kalendaru 2015. god.		Mubarek dan, noć	Po hidžretskom kalendaru 1436-1437 god po Hidžri	
Dan	Mjesec		Dan	Mjesec
3	Januar	*Mevlud-rođenje Muhammeda a.s.	12	Rebiul evvel
15	Maj	*Lejletu-l-Mi'radž	26	Redžeb
1	Juni	*Lejletu-l-Berat	14	Šaban
17	Juni	*Uoči ramazana-prva teravija	30	Šaban
18	Juni	*Početak posta	1	Ramazan
4	Juli	*Dan pobjede na Bedru	17	Ramazan
13	Juli	Lejletu-l-Kadr	26	Ramazan
17	Juli	Ramazanski bajram , prvi dan	1	Ševval
23	Septembar	*Jevmi Arefe-dan Arefata	9	Zu-l-Hidždže
24	Septembar	Kurban bajram, prvi dan	10	Zu-l-Hidždže
14	Oktobar	*Nova hidžretska 1437 godina	1	Muharrem
23	Oktobar	*Jevmu Ašure	10	Muharrem
23	Decembar	*Mevlud-rođenje Muhammeda a.s.	12	Rebiul evvel

\*Navedene vjerske aktivnosti biće obilježene na prigodan način u našem mesdžidu

**Redovne aktivnosti u našem džematu:** Vjeronauka i škola bosanskog jezika svake subote i nedjelje od 11:30-13:45 pm. Predavanje svake treće subote poslije jacije (kad je duži dan poslije akšama).

**Džamija je otvorena svakim danom za pet dnevnih namaza.**

**Za više informacija o našim aktivnostima posjetite: [www.bichamilton.com](http://www.bichamilton.com) [info@bichamilton.com](mailto:info@bichamilton.com)**

**JESTE LI ČLAN DŽEMATA? DŽEMAT JE NEZAIBILAZAN FAKTOR U OČUVANJU NAŠEG IDENTITETA.  
POSTANITE REDOVAN ČLAN BOŠNJAČKOG ISLAMSKOG CENTRA HAMILTON!**